

廉潔問題

公民教育叢刊第二十二種

廉
潔
問
題

青年協會書局出版

公民教育運動應用材料

公民教育運動計劃	每冊五分
怎樣做中華民國的 良好公民	每冊一角
國際問題討論大綱	每冊三角
國慶節與公民教育運動	每冊五分
公民綱要	每冊一角
新公民詩歌(有譜)	每冊四角
不平等條約討論大綱	每冊二角
關稅問題討論大綱	每冊一角六分
領事裁判權討論大綱	每冊一角六分
公民研究團辦法	每冊五分
公民測驗表	每份一分
公民教育圖表 五彩印每 套十二張	印刷中
公民教育幻燈片(出租)	價目另詳

The Problem of Graft and Bribery

Compiled by

Herman C. E. Liu

ASSOCIATION PRESS OF CHINA

Price: Fifteen cents per copy

民國十六年十二月刊行

廉潔問題一冊

編輯者 劉湛恩

校訂者 青年協會書報部

刊行者 青年協會書報部

發行者 上海博物院路二十號
青年協會書局

每冊實價洋大一角半

廉潔問題討論大綱

討論一 廉潔問題之重要

我國政治不能統一，社會不能安甯，學校不能振興，家庭不能雍睦，皆與廉潔問題有深切之關係。試觀軍閥，官僚，土豪，劣紳平日之行徑，即可知之。若輩獨非人乎，何以喪心病狂，無惡不作，無他，見利忘義之貪欲有以蔽其良心也。

一國之執政者苟無廉潔人才，則百政廢弛，號令不行，上下交征利，盜匪蠭起，全國分崩離析，此必然之結果也。社會中無廉潔領袖，以表率羣衆，則奸譎百出，賄賂公行，生命財產，旦不保夕，社會遂呈紛爭黑暗之現象，此又事勢所必至也。學校而無廉潔之教育，則學生結黨營私，傾軋異己，罷課拒教，風潮迭出，置寶貴學業於腦後，學校遂成不堪收拾之勢。家庭而無廉

潔之組織，則父母淫侈，子女驕奢，僕婢勢利，親戚不和，家庭便成萬惡之淵藪。個人而不講廉潔，則吸煙飲酒，嗜賭好色，放僻邪侈，無所不爲，結果必成社會之敗類。

不廉潔之爲害既如是之大，則國人苟不革此陋習，政治決無清明之望，不獨鞏固之政府無從成立，即社會秩序，家庭幸福，乃至個人快樂，皆將犧牲殆盡。國人對此問題，迅作切實之研究，以謀根本之解決，庶其可乎。

討論問題

- (一) 廉潔爲當今中國之唯一大問題，試舉事實以明之。
- (二) 何以知廉潔爲人人應加注意之事？
- (三) 不廉潔之結果如何？
- (四) 今日厲行廉潔主義，何以尙不爲晚？

討論二 不廉潔之原因

不廉潔之爲害，既如上述，欲圖補救，須知其受病所在，而施以治療。

不廉潔之病源甚多，生計艱難其一也。時局不靖，工商業衰落，百物騰貴，入不敷出，非營私舞弊，即有凍餒之虞，此其二也。我國家庭制度複雜，除中等以上之家庭，可賴遺產維持不計外，中等以下之家庭，以父母子女合計之，每戶平均約四五口，其中坐食者三四，有生產力者祇一二耳。生利者少，而分利者多，勢不得不巧取豪奪，以謀補益，雖損人利己，亦無所顧惜。行之既久，而社會相習成風，此其三也。我國之習尚，恆隨風俗爲轉移，凡舉行婚喪葬壽祭祀宴會等事，苟不依照慣例，即覺不近人情，而有吝嗇之嫌。此等事小者數十百金，大者數千數萬。即平日之宴會應酬，或舉行種種迷信禮神，亦非數十金不可。顧恆人財力有限，不能應付，於是遂演成味良攫取非義之財之舉動，是爲社交上之弊病，此其四也。青年閱世未深，投身社會，

或則烟酒徵逐，或則投機賭博，因是而失敗墮落者，比比皆是。若輩入款有限，化費無窮，借貸之路絕，而盜竊之念生，環境驅使，有迫於不得不然者，此其五也。我國社會人士，素不講究預算，新式簿記，更非所問，以致經濟出入，不能調劑，身陷窘鄉，心術日非，若是而望其保守廉潔，烏可得乎，此其六也。此外更有一種原因，即一般人觀念誤謬是也。我國社會中欺詐歛錢之事，在在皆有，顧人習以爲常，恬然不以爲怪，既不以此而非法，亦不認此爲有傷道德，此則觀念之錯誤有以致之也。

討論問題

- (一) 生計艱難與廉潔問題有何關係？
- (二) 浪費與廉潔有何關係？
- (三) 習慣與廉潔有何關係？
- (四) 不廉潔之最大原因爲何？
- (五) 何法可使人民崇尚廉潔？

討論三 建設廉潔政府問題

近年以來，提倡廉潔政府之聲浪，甚囂塵上，然能實行廉潔者，渺不可得，斯可慨已。

夫政府應崇尚廉潔，不以中央政府，省政府，縣政府，市政府而分軒輊，此自然之理，不必爲之煩言也。但自民國建設以來，上自政府大僚，下至各機關秉政者暨司事者，其營私舞弊之事實，已書不勝書，我國國家之日卽危亡，此實爲最大原因。

然則政府應如何提倡廉潔？下列四端，似爲不容忽視者。

一、用教育方法，指導輿論，打破升官發財觀念。夫官吏之貪黷舞弊，希望升官發財耳，而其所以抱此觀念，則由於人民不加監督，輿論不敢攻擊耳。古之『文官不愛錢，武夫不惜死』，今則『文官祇愛錢，武夫怕死又愛錢』，皆此一觀念爲之厲階也。有如此之官吏，而欲求政府之廉潔，直南轅

北轍耳。欲打破此種升官發財之觀念，必須作種種教育意味的宣傳與講演，藉以改建輿情，使國人知建設穩固政府，不能責望於今日所謂高級人物之中，而在乎努力于『下層工作』及『人格救國』事業。

二、整理財政，使官員可得相當之俸祿。我國之財政，紊亂極矣。政府雖有理財專家，而不能展其長才，以致財政窘迫，債台高築，推原其故，皆由於官吏兼職兼俸，支領乾薪，位置私人，有以致此。故欲官吏廉潔，不爲貪慾所誘，非整理財政不可。整理財政之道維何？一方宜開闢富源，節制資本，以裕收入；一方宜規定俸祿，上下有別，以節支出。他若統一稅收，編造預算，裁撤冗員，整頓吏治，尤爲急不可緩之舉。

三、實行文官考試，及監察制度，以裁制舞弊。政府官吏之腐敗，無文官考試及監察制度，迺其主因也。蓋官吏之任免，不以考試，則私人宵小，親戚僚屬，皆得乘機而進，馴致舞弊蒙蔽，無所不用其極，試問政治安有清明

之日耶。至於監察制度原所以糾查官吏之不法行爲，使一般官吏不敢倚勢凌人，或公行賄賂，或侵吞公款，務使一舉一動，皆能合乎正軌，而不敢有所違反。夫如是，吏治方能有澄清之日，而清潔高尚政府之實現，亦指日可待矣。

四、獎勵廉潔官吏，及懲辦貪官污吏。今日之中國，未嘗無廉潔之官吏，不過廉潔者實居少數耳。推原其故，則政府無獎勵廉潔官吏，及懲辦貪官污吏之辦法，實爲其最大原因。故欲解決此項問題，必先建設廉潔的政府，然後由廉潔的政府，積極獎勵廉潔的官員。凡節省公款，潔身自好之官吏，政府應設法加以獎勵。反之，凡侵吞公款，公行賄賂之官員，政府應立即加以懲辦，或設法罷免其職位。夫如是，而後澄清仕途，建造廉潔政府，庶有逐漸實現之一日。

討論問題

- (一) 人民應如何打破升官發財之觀念？
- (二) 政府應如何制裁營私舞弊？
- (三) 政府對於貪官污吏應以何法懲辦？
- (四) 政府對於廉潔官吏應如何獎勵？
- (五) 我人應如何監督政府之財政？

討論四 家庭應如何提倡廉潔

家庭在社會中地位之重要，盡人皆知，故欲提倡廉潔，應自家庭着手。但欲提倡家庭廉潔，必先爲父母者有良好榜樣，身體力行，而後爲子女者，方能受感於無形，久之相習成風，不期然而成廉潔高尚之公民矣。

舉例言之，爲父母者宜向子女解釋廉潔的意義及其重要。如何爲廉，如何爲潔，均應取淺近易解之比喻，詳爲解釋。此外如關於廉潔的故事，亦宜爲子女講解討論，使知廉潔爲成功之階梯，不廉潔爲失敗之原因。若是則影響所及，必能收潛移默化之功，可無疑義。爲父母者，又宜設法養成子女廉潔高尚之習慣；子女如有不廉潔之舉動，不正當之行爲，卽宜設法糾正，不稍寬縱。此外家庭管理，亦應以廉潔爲準則，不尚浮華，不務驕侈，務使子女無倚賴之劣性，僕婢無盜竊之妄念。夫如是，而後廉潔高尚家庭之實現，可計日而待也。

討論問題

- (一) 家庭與廉潔問題之關係若何？
- (二) 養成兒童廉潔習慣，有何良好方法？
- (三) 家庭應節制何種消費？
- (四) 廉與儉有何關係？
- (五) 家庭中的廉潔準則若何，試詳言之。
- (六) 如何使僕婢廉潔？

討論五 學校應如何提倡廉潔

學校與社會人生有非常密切之關係，且爲養成少年公民之良好機關。故學校中如能提倡廉潔，對於青年身心之修養，學風之整頓，以及社會之安甯，殊有直接之影響也。

我國自學校大盛以來，東西文化，彼此交換調和，教育界頗有煥然一新氣象；然徒事虛飾皮毛者居多數，真能注意於良好學風之養成者頗不可得。惟然而學校之能造成廉潔之士者，殆如麟角鳳毛。至於今日，學生熱中利祿者比比皆是，學風滔滔日下，幾至不可收拾。此何以故？一言以蔽之，學校之不注意提倡廉潔，實有以致之耳。

學校中提倡廉潔，其方法簡而易行。具體言之，辦學者潔身自好，廉潔自持，以培植子弟爲己任，此其一也。經濟公開，按時報告，此其二也。教職員品學兼優，循循善誘，此其三也。提倡廉潔運動，使學生於起居飲食上，實行

廉潔，此其四也。提倡節儉儲蓄，實施勤工儉學方法，此其五也。凡此種種，看似老生常談，但能身體力行，有裨身心，必非淺鮮，有志青年，其各勉之。

討論問題

- (一) 學校中與廉潔主義衝突之事項何也？
- (二) 學校何以應提倡廉潔？
- (三) 教員之人格感化與課堂內之教學孰爲重要？
- (四) 學校應如何舉行「廉儉運動」？
- (五) 學校提倡廉潔有何可與家庭合作之事？

討論六 社會應如何提倡廉潔

今試執途人而問之曰：『今日之社會何如？』莫不曰：『世風日下，人心不古，』何也？以社會不廉潔故也。爰將社會不廉潔之概況，縷述於下，使一般關心社會者，知所警惕。

一、工商各界視吞歟納賄爲常事。

二、工商各界競以欺詐爲手段，置誠實於腦後。

三、社會上無正當之社交機關，及娛樂場所，反以不正當之消耗地方，爲經商之媒介。

四、地痞土棍之橫行不法，奸商劣紳之包庇一切。

五、私進劣貨，販米出口，不顧國人生計問題，祇知唯利是圖。

六、醉心於投機事業，馴致身敗名裂，破家蕩產者。

七、偽造銀幣紙幣之機關充塞於社會。他若辦學斂錢，賑濟自肥，以及種

種借慈善團體名義以吞沒公款者，幾於舉不勝舉。

社會上既有此種惡現象，應如何設法防止，實爲當今切要之圖。愚見以爲應注重下列數項：

一、輿論制裁 輿論制裁者，卽代表人民之公共意見，監督社會之事業是也。社會上如有不良制度，則羣起而攻之，無使滋蔓。遇有不廉潔之行爲，則在報紙上披露之，抨擊之。見有廉潔之舉動，則在報紙上宣布之，譽美之，未恐不逮。此外更用圖畫或標語等，實行提倡廉潔，或利用公衆講演，及團體討論，以喚起民衆對於廉潔之正當觀念。

二、科學方法 卽採取科學方法，監督社會所經營之各項事業是也。社會上各項事業之經營，如能採用科學方法，則權限立即判明，而辦事亦能有條不紊，舉凡營私舞弊等惡習，皆能防免於無形，洵促成廉潔之無上要策也。